

صاحب امتیاز و سر محرری

اورفہ مبعوثی

شیخ صفوت

مرکز توزیمی باب عالی جادہ سندہ

جمعیت کتب خانہ سیدر

نسخہ سی ۲۰ پارہ در

تصوف

بالجلہ محررات در سعادت پوستہ خانہ سنہ

تصوف جریدہ سی نامہ کوندر ملیدر

قوطو نومرو سی ۱۴۳

شرائط اشترا

سنہ لکی ممالک عثمانیہ ایچون

۳۰ غروش ، مصر و ممالک اجنبیہ

ایچون ۷ فراقدر .

التصوف کلہ آداب : ابو حفص عمر بن مسلمہ

عرفای امتک مقالات عارفانہ لرینہ تصوفک صحیفہ لری آچیقدر

تصوفہ متعلق مباحث شتادن باحث و مکارم اخلاق اسلامیتک تعمیمنہ خادم مجلہ معنویہ در

اعاده حریت ایدم. بعدما اعتاب سنییه ملازمته خندق واحد غزوه لرند معیت مقدسه لرند بولندم .

•••

سلمان فارسی حضرت تارینک بالذات نقل بیوردقلری ترجمه حال و سرگذشتلری بوراده ختام بولمشدر . معیت مقدسه نبویهده ایلك دفعه اوله رق خندق غزوه شهرسند بولنش و اوئانده (سلمان منا اهل البیت) حدیث شریفله بمشر بیورلمشدر. احزاب مشرکینک متفقاً مدینه منوره به هجوم ایتک اوزره حرکتلری استخبار ایلدیکی صرمده دیانت اسلامیهده اصول مشورتک اهمیتنی مبین بولنان (وشاوهرم فی الامر) آیت کریمه سته امتثالاً سید عالم صلی الله علیه و سلم افندمن حضرتلری اصحاب کرام ایله استشاره بیورمشلر ایدی . بو میانهده سلمان فارسی حضرتلری : خطه ایرانییه دشمنک شهر و قصبه راووزرینه هجومنده معناد اولدینی اوزره مدینه منوره نلک اطرافنده دائراً مدار بر خندق حفریله مشرکینک تعرضلرینی عقیم براقی رأینده بولنش و طرف اقدس رسالتدن تصویب و قبول بیورملغه اصحاب کرام اوزر اوزر طاقله آبریلره رق هان عملیات حفریه به مباشرت اولنش ایدی . هر بر طاقم حضرت سلمانک کندی طرفنده بولنسنی آرزوایدیوردی . علیه الصلات والسلام افندمن حضرتلری دخی اهل بیت رسالتلریله بالذات حفریاته اشتراک بیورمش اولدقلرندن (سلمان بز اهل بیتندر) تلطیف سعادت بخشاسیله مشارالهی معیت مقدسه لرینه آملشدر .

خندق غزوه سنک مقدمات مذکورده سی شریعت مطهره اسلامیهده اساسات مدنیهدن ایکی رکن رکنک درجه اهمیتنی واضحاً اثبات ایدیورکه : بری اصول مشورت ، دیکری دخی هر تره دن ، هر هانکی بر قوم و ملتدن اولورسه اولسون (الحکمة ضالة المؤمن ایما و جدھا اخذھا) حدیث شریفی مقتضای منیفنجه اقتباس حکمتدر . چونکه سلمان فارسی حضر- تلی ایرانیلرک عادتجه خندق حفرینی عرض ایلدیکی زمائل ایرانیلر آتش پرست ایدیلر انلرک آتش پرستلکی

حد ذاتنده معقول و مستحسن اولان بر عادلترنک اخذ و استعمالنه مانع اولماش ایدی . یالکنز بو کیفیت ملت اسلامیه نلک ترقی و تعالیسنی موجب اوله جق اسباب مستحسنه مدنیهنک هر تره ده وهر کیمده اولورسه اولسون هان اخذ و استعمالنک وجوب شرعیسنه بر دلیل کافیدر . جانب اقدس رسالتینا هیدن سلمان فارسی ایله ابوالدردا حضرتلری آراسنده عقد موآخت. ایدلش ایدی سلمان فارسی مداین شهری والیلکنده بولندیفی اسانده ابوالدردا بیت مقدسهده اختیار عزلت بیورمش ایدی . سلمان فارسی حضرتلرینه بر مکتوب یازمه رق مداین والیلکنک ترکیله ارض مقدسهده برابر عزلت و عبادت ایتک اوزره دعوتده بولملغه حضرت سلمان یازمش اولدقلری جوابنامه لرند (ارض مقدس انسانی تقدیس انحر انسانی تقدیس ایدن کندی اعمالدر) بیورمشلدر .

مشار الیه : بیت مالدن تخصیصاتی آلدقجه قفرا و محتاجنه تصدق ایدر و معیشتنی دائم کدیمین ایله تامین ایلر ایدی . رضی الله تعالی عنه وعن جمیع الآل و الاصحاب .

اولیس بن عامر القرنی

اوتوزنجی نسخه نلک مابعدیدر

حضرت اولیسک عمر ابن الخطاب (رضی الله

تعالی عنهما) ایله ملاقاتی

مشار الیه مانک ملاقات علیه لری بر قاق صورتله منقول اولوب انلردن بری امام بیهقی دن مروی اولاندر . امام مشارالیه دلائلنده (اسیر ابن جابر) دن حاکی اوله رق بیوررکه حضرت عمر سید کائنات علیه افضل الصلوات افندمن حضرتلرندن (سزه یمندن و قبیله ممراد و قردن شویله بذات کله حکدر اندن دعا و استغفار طلب ایدک !) مألوسده کی حدیث شریفی بعد الاستماع دیار مذکوردن کلنلر اولدقجه ایچکدره اولیس بن عامر وارمیدر ؟ دیو سؤال بیوررلر ایدی .

برسنه جبل ابی قیسده توقف ایدوب بنه عین حجاجه
خطاباً ایچکزده اوئیس نامنده کیمسه وارمیدر؟ سؤالی
ایرادینجه مشارالیهک عیمسی (انیس) دن بن اوئیس اسمنده
دوه چوایی بر برادر زادهم واردرکه شیمدی عرفات
جانبدهدر. جوابی آلتجه همان اورایه عزیمتله مشارالیهی
بولورلر. (اسمک اوئیس میدر بیاض علتله مبتلا اولوب بعده
شفا بولدکی واولغلتدن اوزرند بر نشان قالدیمی والدک
وارمی) دیو مخبر صادق صلی الله علیه وسلم افندمز
حضرتلرینک اخبار بیوردینی خصوصاً ناسک کافهسنی
بالسؤال جمله سی تصدیق ایدینجه سمعت رسول الله صلی الله
علیه وسلم بقول دیهرک (سیدم علیکم رجل یقاله اوئیس)
الی آخره حدیث شریفی (۱) قرائت ایله دعا طلبنده
بولمش و مشارالیه جانبندن ده حق سعادتارنده دعوات
خیریه ادا اولندقدن صوکره یا اوئیس هر نزهه کیده چک
ایسهک اورانک عاملنه بر توصیه یازمیده سکا احترامده
بولسونلر دیدکده بکا ناسک مجھولی اولقی ده مقبول
کلور یا امیرالمؤمنین جوایی ورمشدر.

اجله رواتدن ابن عساکر اشبو ملاقاتی شو
صورتله تصویر و بیان ایلمشدر: وقتاکه فخر عالم
صلی الله تعالی علیه و صام افندمز حضرتلرینک فم سعادت
نبویه لرندن (یدخل الحجة بشفاعة رجل من امتی اکثر
من ربیعة و مضر) کلام عالیسی شرفصدور ایدینجه
مجلس عالی پیغمبریده حاضر بولنان اصحاب کرام بوذات
ستوده صفات کیمدر یا رسول الله سواننده بولمشلر
طرف جلیل سید الانبیادن مشارالیهک اوئیس بن عامر
القرنی اولدینی بعدالبیان یا عمر! سن ملاقی اولنجه بنم
سلامی تبلیغ ایله کندک ایچون دعا طلب ایله اوذات بیاض
علتله مبتلا اولوب وجودنده بر اثر قلمسنی نیاز ایدرک
اجابت اولندی بیورلمشیدی. بونک اوزرینسه حضرت
عمر مشارالیهی زمان فیض افشان سعادت ایله حضرت
صدیقک اوآن خلافتده هرنقدر تحری ایتدی وایتدر.

(۱) بو حدیث شریف حضرت عایشه روایتله یکن نسخه ده

مطور ایدی.

دی ایسهده ملاقاته موفق اولمیبو کندی خلافتلرینک
شرط اخیرینه مصادف اولان بر حج موسمنده ایچکزده
اوئیس اسمنده کیمسه وارمیدر دیو حجاجه خطاب ایله
مشارالیهک عیمسی (انیس) دن یا امیر المؤمنین اوکیمسه
بنم برادر زادهمدر. فقط اوئیه بر آدمدرکه بزم قبائلمز
ایچنده آندن غریب الاطوار و عجیب الاحوال کیمسه
یوقدر. خرابه لرده اوطوروب معمور محالره کیممز. ناس
ایلهده چوقلق اختلاط ایتمز جوابیله خلیفه نک سؤاله
لایق کورمور کچی بر حال احساس ایدنجه حضرت عمر
آغلامنه باشلا یوب سنی بوایده (هالکین) -ن کور یورم
زیرا رسول الله صلی الله تعالی علیه و صامدن ایشتمد بیور-
دیهرک دیهرک مشارالیه حقنده شرفوارد اولان حدیث
شریفی قرائت و حضرت اوئیس کیدوب کنسیدیلرینک
ملاقات آرزوسندن بولندقلرینک سولیمسنی تنیسه
بیوریرلر.

شیخ ناجی

ادبیات صوفیه

ابوالعلمین وغوث الثقلین سید احمد الرفاعی قدس الله
تعالی سره حضرتلرینکدر.

انی التجأت الی الذی رفع السما
ودخی بساط الارض فوق الماء

وهو الذی ادعوه فی سری اذا
جن الدجی باطائف الاسماء

ان یجبر القلب الکسیر ورحم-
المبدل الفقیر ویکفی اعدائی

اشبو ابیات شریفه نک قرائتی: زوال شدت وانکشاف
کربت ایچون مجربدر.